

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Memoria posthuma matronae ... [Trauergedichte auf
Elisabeth Wencker, geb. Berchtold, Gemahlin des
Altammeisters und Dreizehners in Straßburg Johann
Wencker, gest. 5. September 1666]**

Wencker, Elisabeth

Argentorati, [1666]

Bebel, Baltasar: Nobilissimae matronae

[urn:nbn:de:bsz:31-110206](https://nbn-resolving.org/urn:nbn:de:bsz:31-110206)

*Vt truncata licet, revirescit latius arbor.
Interea cælos dum complet prolibus, & se,
Sortitur MATER, matrum ipsa corona, coronam.*

Condolentia testandæ gratiâ ascripsit

Joh. Conr. Dannhauer, D.

F*elicem in mundo hoc mortalem reddere possunt,
Anni, conjugium, gloria, liberi, opes;
Post, inquam, veram Cælum erga Religionem,
Sed quis ad humana hæc culmina sortis abit?
Contigit id tibi, quod paucis, Wenckeria mater:
Felix in vitâ diceris ergo tuâ.
Extremum accedit quoque, quod decus omne coronat:
Anno senio mors venit æqua tuo.*

Ult. honor. E.
f.

*Sebastianus Schmidt, S.Th. D.
P. Ord. & Ecclesiastes.*

Nobilissimæ Matronæ

*Suæ quondam Hospitæ beneficentissimæ, nunc
desideratissimæ:*

H*ospita, pro meritis, quod debeo, suscipe carmē
Carmen, Alumna, tibi pignoris instar erit:
(Nam fidei, Patrona, tuæ meminisse juvabit,
Donec in hoc nostro spiritus ore sonat.)*

A 2

Ipsæ

Ipse cliens quondam, Tu fida clientis Alumna,
Et mea tot meritis altera mater eras.
Ergo, fatebor enim, primas quod ducimus auras,
Debemus matri, prolificante Deo;
Sed benè quod vitæ melioris ducimus auras,
Hæc, moderante Deo, gratia sola tua est.
Sic solet infelix alieni debitor æris,
Pro nummis Domino reddere verba suo;
Scripta tamen fidei mansuræ vincula, donec
Debitor in Domini manserit ære sui:
Ut nos pro meritis (quæ multa & magna) libellum
Scribimus, & Dominæ pignus inane damus;
Pignus inane quidem, si nos tibi reddere velles
Debita, tot meritis accumulata tuis;
Attamen affectu plenum, qui credita saltem
Ore manuque sua confiteatur, erit.
Accipe porrectum, nec erit, puto, pignus inane,
Si nostro dederis scripta legenda Deo;
Namque Deus, qui dives opum, dispungere novit
Nomina, dispundet hic quoque nostra Deus.
Ipse, Beata, Tibi dulcissima præmia reddet:
Qui vel frigidulæ pocula pensat aquæ.

Symbolum

Baltasaris Bebelii, S. Th. D.
P. P. & Ecclesiasticus.

CEW